





REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU  
TZITADI METROPOLITANA DE CASTEDDU



## 31 de austu Curiosidadis de su mundu



### Unu contixeddu a pitzus de sa stòria de su cinema

Cenàbara su 31 de austu 1897 Edison iat arriciviu su brevetu po sa Kinetographic camera “una segura e bona mellioria po is cinetoscòpius”.

Po medas custu esti su primu proietori cinematogràficu de sa stòria poita ca Thomas Alva Edison (scoberridori de sa lampadina elètrica e de su fonògrafu) e William K. L. Dickson iant traballau a pitzus de custu progetu finas de su 1888 cun sa punna de registrai e amostai arretratus in mòvida.

Giai de su 1891 fiant prontus po arregistrai su brevetu e fai sa primu presentada. A Dikson ddoi fiat bènnia a conca sa bidea de segai is pelliculas a una largària de 35 mm e iat fatu cuàturu stampus in is ladus po fai passai is arrodas dentudas chi dd'aciapànt po dda tragai me in su Kinetoscòpiu (labai chi oindii si imperant ancora de aici!).

In su 1893 iant fabricau unu teatru piticheddu, nomenau Black Maria (cumentì is autocarrus de sa politzia chi ddi assimbillànt) innui podiant reproduci is filmaus chi teniant una longària de 20 segundus.

Custas pelliculas si podiant castiai a sa sola sceti difatis, po nexi de custu e poita ca non iant arregistrau su brevetu a foras de is Stadius Unius de s'America, a pustis de duus annus innui iat tentu un'arrennèscida manna su kinetoscòpiu dd'iant propassau atrus aparìcius chi permitiant de proietai is màginis in unu schermu, cumentì su cinematògrafu de is fradis Lumiere.

